

SON AR VESAEREZ⁽¹⁾

Sonnenn er Vugulez

Allegretto.

ritard.

ritard.

ritard.

Disul vintin vel ma saven, ho!
 Disul vintin vel ma saven
 Eur vouez dous a gleven, elonla!
 Eur vouez dous a gleven, ho!

2

Eur vouez a gleven o kana
 War lez ar c'hoat tosta, elonla!

3

Eur vouez bravoc'h ne c'heller ket
 Klévet e bro ebet, elonla!

4

Vit kana kaeroc'h ne 'z eus ket
 Met an eostig er bed, elonla!

5

Ha me diskenn warzu 'n draonienn
 Da zelaou ar zonnenn, elonla!

6

Hag e kreden oa eur zon goz
 A gleven war ar roz, elonla!

7

Hag el lannok, dre ma kerzen,
 Bleuniou a guthuilhen, elonla!

Dé sul vitin, èl ma sauen, ho!
 Dé sul vitin èl ma sauen,
 Ur voéh dous e gleuen, elonla!
 Ur voéh dous e gleuen, ho!

Uur voéh e gleuen é kannein
 E sol er hoed sapin, elonla!

Ur voéh brauoh ne hellér ket
 Kléuet e bro erbet, elonla!

Eit kannein spisoh nen des chet
 Meit en estig ér bed, elonla!

Dichennet em es bet ér noed
 Eit cheleu er sonnen, elonla!

Ur sonnen geh, kredein e hren
 E beg ur vugulez, elonla!

Ha dré er lann èl ma pasen.
 Boketeu é cherren, elonla!

(1) E galleg : *chanson de la bergère*. Lakat a reomp ar zon-man e yes Leon hag e. yez Gwened : gwet a-reoch evelse n'eus ket kement se a gemm etre ar yézou brezonek hag a-bouez digas miuioch mui a unvaniez etrezo, ar Vretoned a deuio hag a vezou gouest d'en em gie et brao bras eus an eil penn d'egile da Vreiz.

8

Bleun ruz, a vriad, ha bleun glas,
Ha bleun aour al lann vras, élonla!

9

Evit o rei, o c'huituilhen,
D'an hini a gleven, élonla!

10

Ouz ar c'hoat, seul-vui ma tostaen
He c'hlevet gwell a raen, élonla!

11

Met allas! he c'hlevet a raen
Heb kompreñ he sonnenn, élonla!

12

Eur zonnenn deut euz a Vro-C'hall,
Gant eun troucher segal, élonla!

13

Kerkent bokedou ruz da glas
Eus va dourn a gouezas, élonla!

14

Rak va bokedou ne d'int ket
Vit eur verc'h ken desket, élonla!

15

Vit nijal war eur vouez hep par,
Ne z eus met eul lávar, élonla!

16

Lavar hon Tadou, Bretoned
Ar skanova zo er bed, élonla!

Job ar Gleean.

8

Boketeu ru, boketeu glas,
En eur ag er lann vras, élonla!

9

Ou cherrein e hren-eit ou rein
D'en haní e gleüen, élonla!

10

D'er hoed a vuzul ma tosten
E hleuet guel e hren, élonla!

11

Mes allas! hé hleuet e hren
Hemb kompreñ hé sonnen, élonla!

12

Ur sonnen deit ag er Vro-Gál
Get un trohour segal, élonla!

13

Kentéh boketeu ru ha glas
A men dorn e goéhas, élonla!

14

Rag men boketeu nen dint ket
Eit ur verh ken disket, élonla!

15

Eit neijal ar ur voéh hemp par
Nen des meit ur lavar, élonla!

16

Lavar hun tadou, Bretoned,
Er skinvan ag er bed, élonla!

Job er Gléan.



MISSION LOKOURNAN. Epad ar mision a vezoo-roet e Lokournan, e Miz c'houevrer, a vezoo kavet da brena e stal **Emgleo Sant Ildut**, e ti Mme Le Treut, ru an Iliz, **Levrou oferenn an A. Uguen** (a bep priz ez eus anezo).

Christo ha **Buhez ar Zent**, daou levr da lenn diouz an noz, Kantikou brezonek hag a bep seurt levrou all.